

**Javna ustanova Osnovna Škola „Mirsad Prnjavorac“**, ul. Jošanička br.51, 71320 Vogošća (u daljnjem tekstu: Kupac) koju zastupa direktorica škole Sabiha Salčin, prof. i

**Clima-trade d.o.o. Sarajevo**, ul. Džemala Bijedića 301, 71000 Sarajevo (u daljnjem tekstu: Prodavac) koga zastupa direktor Senad Gačanović, dipl.ing.el.

Na osnovu provedenog postupka za dodjelu ugovora putem direktnog sporazuma za nabavku robe –klima uređaja, u skladu sa članom 90. Zakona o javnim nabavkama BiH (“Službeni glasnik BiH” broj: 39/14), Pravilnika o direktnom sporazumu JU OŠ “Mirsad Prnjavorac” Vogošća i Odluke o dodjeli ugovora broj: 01-745/19 od 31.07.2019. godine, gore navedena pravna lica zaključuju:

## **UGOVOR o nabavci robe-klima uređaja**

### član 1.

Ovim ugovorom se uređuju međusobni odnosi ugovornih strana u vezi nabavke robe-klima uređaja, kako slijedi:

- a) Split klima uređaj proizvod MIDEA u izvedbi ON/OFF toplotna pumpa (u ljetnom periodu hladi, a u prelaznom periodu grije). Sastoji se od jedne vanjske i jedne unutrašnje zidne klima jedinice. Mogućnost 24-satnog podešavanja i automatskog podešavanja brzine ventilatora putem IC daljinskog upravljača. Uređaj ima pet različitih režima rada, i to: hlađenje, grijanje, ventilacija, odvlaživanje i automatsko održavanje željene temperature.  
Q hlađenja iznosi 3,5 kW, a Q grijanja iznosi 3,5 kW.
- b) Nabavka se odnosi na 3 (tri) klima uređaja.

### član 2.

Ugovor se zaključuje za budžetsku 2019. godinu.

### član 3.

Ugovorena cijena nabavke robe-klima uređaja iz člana 1. Ugovora , iznosi:

- 2.262,90 KM (dvijehiljadedvjestotinašezdesetdvije konvertibilne marke i 90/100) bez PDV-a,
- 2.647,59 KM (dvijehiljadešeststotinačetdesetsedam konvertibilnih maraka i 59/100) sa PDV-om.

### član 4.

Osnov za zaključenje ovog Ugovora je poziv za dostavljanje ponude Kupca i ponuda Prodavca broj: 381-CT/19 od 30.07.2019. godine.

### član 5.

Mjesto isporuke i montaže robe je JU OŠ "Mirsad Prnjavorac" Vogošća, ul. Jošanička br. 51.

### član 6.

Eventualne reklamacije na kvalitet robe se uvažavaju u roku od 30 (trideset) dana od dana prijema robe.

Prodavac je dužan uz isporučenu robu dostaviti garanciju na istu, koja ne može trajati manje od godinu dana.

član 7.

U cilju racionalnijeg poslovanja Prodavac se obavezuje:

- Isporučiti robu kupcu u roku od 15 radnih dana od dana potpisivanja ugovora.
- Garantovati za kvalitet naručene robe iz člana 1. ovog Ugovora.

član 8.

Kupac se obavezuje da će robu iz člana 1. ovog Ugovora platiti Prodavcu na osnovu uredno ispostavljene fakture, u skladu sa načinom plaćanja preko JR Trezora Kantona Sarajevo.

Kupac se obavezuje da će uplate vršiti na broj transakcijskog računa Prodavca: 1610000000690069 otvoren kod Raiffeisen banke.

član 9.

Svi eventualni sporovi koji proisteknu iz ovog ugovora, ugovorne strane će rješavati sporazumno. U suprotnom, nadležan je Općinski sud u Sarajevu.

Ovaj ugovor stupa na snagu sa danom obostranog potpisivanja ugovornih strana.

član 10.

Za sve što nije predviđeno ovim Ugovorom primjenjivati će se odredbe Zakona o obligacionim odnosima.

član 11.

Ovaj Ugovor je sačinjen u 4 (četiri) istovjetna primjerka od kojih svaka strana zadržava po dva primjerka.


Za Kupca direktorica škole:

Sabiha Salčin, prof.

 MP

Broj:01-745-1/19

Datum: 31.07.2019. godine



Za Prodavca direktor:

Senad Gačanović, dipl. ing. el.

 MP

Broj: 770-C/19

Datum: 05-08-2019

